

晏

雲

閣

集

曇雲閣詩集卷五

吳縣 曹楸堅 艮甫

一笑

一笑人間世頽然盡此尊  
穠華自桃李寂寞有蘭蓀  
馬骨羞論價蛾眉怕受恩  
沈沈汨羅水誰更與招魂

秋夕不寐柬蔣志凝

故鄉仍旅食連夜已秋聲  
風雨極無賴蛩蟹殊有情  
披衣百事始攬鏡二毛生  
世豈容吾輩毋爲禰正平

古意

船逐波高春水生波隨船  
落暮潮平郎在天涯儂地角

自分天地便無情

十五盈盈樓上頭  
一生羅綺稱風流  
自從窺得捧心樣  
不到愁時先學愁

斲釵圖詩爲世襲雲騎尉浙江參將湯胎汾母夫

人作

山有時而崩木有時而萎  
維三忠孝節亘如日星垂  
賊來鳳山城城危不可支  
父子同授命含笑革裹尸  
蒼黃得凶問魂歸滿瘡痍  
妻豈不徇夫有此懷中兒  
昭忠隆卹典乞乞看豐碑  
孤孫襲世職羽林耀長鉦  
長鉦都尉見漢書  
衣帽督嚴訓家學矜儒師  
粲粲白玉釵猶記上頭時  
匳

空釵亦斲冰化傷流離釵斲玉則完萬古光長麗吾聞  
衛氏墓墓柏生連枝枝連還復散悲吟五字詩母詩傳  
萬口心跡同磨笄悽悽護樹謝凜凜松風吹將軍負時  
望登壇肅指麾武不媿彊弩文不讓稷嗣文武兼上才  
忠孝門有之丹青在麟閣勛哉令名貽

秋試歸里遣興四絕句

來去煙波愧白鷗幾番小極廢清游等閒蹋得槐花碎  
破帽疲驢十度秋

芳草還畱舊日青看儂華髮已星星夢中不識鈞天旨  
一枕寒蛩獨自聽

艇子何曾載莫愁  
蔣山山色酒壚頭  
暮鴉啼煞無人處  
誰記秦淮十四樓

霜螯入跪酒三升  
六柱船窗正好憑  
莫忘故人重九約

湖梢橋外是松陵

疑訪澹懷  
于吳江

題潘

曾沂

舍人區田圖

本計首重農  
始終厓孽畫少實  
勝多虛場功期不迫  
霸圖亟富疆制乃壞  
仟佰兼併後貽患  
名田紛占籍傷稼  
山楛耕民或飽糠  
覈旨哉高允言  
三斗計損益區種具  
有制成效見史策  
肥磽與草萊一易  
或再易把土土離  
離澆水水液液能  
風亦能旱氣可迴  
禿白務使力有餘

不在地無隙粉穫日以多疇壟日以闕其法本代田行之已在昔舍人經濟才家居課襪良規酌古今美意先綜覈耨則坳其根壅則培其脈但令趨三時詎止收十石不蟲不蚰蛆如雲三歲積要之闕民事豈其有地瘠亟當放農書是彼長吏責轉輸不涸倉犁然視圖冊六穗咸告登美禾又美麥

虎邱古鼎詩奉梁方伯

章鉅

姑蘇金石闕記載或存其目亾其辭紹興銅鼎目未睹

晉甄漢瓦空補遺

漢甲天下瓦晉太康甄宋銅鼎並見郡志

鐵砂遠追神禹

釜孽龍誰比無支祁

見吳莊四嶠考

海湧峰高十三丈香樓金

道陵屢屢試劍猶存紹聖字藏經已失貞元碑偶因訪  
古駐旌節寶龕佛火澄瑠璃摩挲神物一朝出賓從動  
色生嗟咨雷文駁犖滴翡翠雲氣霑霽涵蛟螭曰王子  
吳作飲鼎子子孫孫保用之拜揚廟庭薦圭幣羅列雍  
陳侔鼐鼐昭宮邵宮匪異代龔叔龔伯宜同時文三十  
一竝可讀剖析跟肘窮尻肱近撫薛書證彝擇旁援服  
說通謀期吳虞業樊各有解斲爲周器斯無疑金蠶玉  
燕早灰燼何來丈室光陸離焦山之鼎此堪埒豈有龍  
象力護持不逢巨眼爲披剔香鑪那免千秋唾見顧淵  
虎耶志  
吁嗟乎咸陽銷金禍最酷竹垞  
氏說詎止石鼓生瘢胝齏盃

医医鬲卣夔厥有存者真幾希司成尊壺師危敦楚公  
鐘甬文王彝東南士夫爭購致名品入手還遷移不見

梁溪售寶鼎璽卿誇詫千金資彝鑪花觚蔚三絕郵亭

酬帖無人知有時潛虬起幽壑頭陀夜半聞悲嘶並見韻石

齋筆談孫馮兩家競藏弄規仿形制徒爾爲見七頌堂識小錄梁

公嗜古不玩物深鑄淺刻勤氊椎鼻鄒窺軻具精鑒考

以籀篆系以詩從來器寶待人寶安用什襲韜珍奇玉

帶還山鼎畱寺億千百載昭無私吳中風土尚奢靡樽

罍簫板供羣嬉要使三代法物在還彼淳樸除澆漓不

然蝸涎蠹蝕有誰問那得完好貽今茲銘詞堂皇例山



甫頌語肅穆輸曹毗

仲山甫鼎銘有子子孫孫永保用語見後漢書曹毗玉鼎頌見宋書

十二門戟八州督彝尊龍勺來 金墀太和至味仗調

變鼎臣位業隆皋伊

詞科掌錄書後

空費相如賣賦金薛蘿幾輩換華簪 朝廷自急求賢

詔宰相終嚴取士心長夜銷沈餘劒氣窮秋寥落有商

音廣陵散定人間斷獨對焦桐感不禁

題汪主簿

治安

河陽灌園圖

捧檄得名區瞻慈戀微祿盪胸有雲霞署尾少文牘  
芣苢開數弓果蔬羅百族拔其土塙墩澗以泥滲漉種先

茶甲分候及瓜當熟齒牙涎欲流風露氣可弔況真比  
寒水味許配幽未滫甘奉庭闈厭餽勝梁肉頗稜旣充  
腸蔓榮復娛目灼灼中庭榴英英治牆鞠蓮實裹橐韜  
芸根茂苜蓿東西遊纖鱗晴雨喚秭鷓偶脫隱士衫不  
換老萊服才豈忝潘仁仙乃學梅福伊誰影曼纓際時  
騁華轂籠東判低昂睢盱恣敲支中廚滿脍臊後堂聒  
絲竹宦情那得衰官謫毋乃速攜君水一瓢灑彼塵千

斛

河陽詠古詩十首

步障春風別業前齊奴往事總如煙淒涼金石從頭看

司馬家兒亦可憐

晉石崇有河陽別館遺址無考孟縣金石載北魏司馬元興司馬景和諸

人墓誌俱

晉武子孫

屹屹三城甲帳開少年都上鬪雞臺白坡流急黃河遠

只有寒鴉向北來

將帥置河陽三城使自北齊始鬪雞臺在孟縣西南五里唐時洛陽王公

貴戚歲時令節相聚會於此黃河先去孟縣城五里今南徙十餘里白坡渡卽古邙陂津河水至此急流數百

步竝兒

縣志

氤氳春樹舊河陽寂寂人煙野戍荒花落花開無問處

曹坡曾否住曹孃

晉河陽舊治在今野戍鎮唐宋之間題曹孃墓詩昔日河陽縣氤氳香氣

多曹孃嬌態盡春樹不堪過縣志云墓在舊河陽或今之曹家坡是其地

蟻鬪中原事莫論芒山山脚陳雲昏河橋割卻頭顱去

瞻破當年賀六渾

謂高昂事見北史河橋舊址在孟縣西南三十五里

三春桃李滿花城莫向營花寨裏行一自黃門歸去後

後來腸斷玉溪生

野成鎮舊名營花寨卽潘令課民種花處至今春時桃李猶爛漫云花城

之稱見舊碑刻

東下黃河日夜流白楊風斲墓門秋尚書畢竟輸紅粉

還有人尋燕子樓

張建封墓在孟縣西十六里西號村通志于孟縣及河南府兩載之并引

白樂天和關盼盼詩謂墓在府城東云

座上花憐頃刻春江淮別自有閒身青山卻對神仙冢

同是藍關道上人

韓湘墓在孟縣東五里曾有題其墓者云大唐神仙韓湘子之墓縣志據

昌黎詩集及賈島集謂文公赴潮湘實從行後官至大理丞其世傳席上開牡丹一事據酉陽雜俎謂文公疏

從姪事其後歸江  
淮間不仕云云

蜻蛉山遠雁書遲愁絕凝妝獨坐時一段奇聞傳劇炕

至今風雨護殘碑

元至順間有張中順妻劉氏節行碑文已斷缺舊志云中順赴雲南十年

不返有里豪悅劉姿數使人給之曰中順已矣當擇富貴者嫁劉以歠誓後有男子寄夫信到坐其炕側及去乃劇其炕越五年夫還至今相傳爲劇炕夫人云

廟南廟北彩輦多夾道旗幡隊隊過誰向都堂取鈞旨

水官還說魏婆婆

孟俗禱雨有應必報賽奉神出遊謂之行水推直會者數人攝水官主其

事神舉用鐵裹長杠數十人昇之旗幡鼓樂闐咽街巷所費至數千金下戶無力出錢則云神怒以長杠衝其牆壁門戶無弗傾摧者元至正間清源王廟碑陰有受都堂鈞旨節婦水官魏婆婆之語又有南水廟北水廟

竝見  
縣志

眼見銀鐺幾輩收招魂誰向驛東頭湘江春草隨他綠

蘆荻荒荒萬古秋

明正德間劉瑾用事逮王守仁李孟陽諸人詔獄五官監楊源再疏陳星

變杖戍肅州外于河間驛妻皮氏斬蘆荻葬之驛門東後謚忠愍有司奉祠祀見明史及縣志無名氏投李西崖詩有回首湘江春草綠之句

麥舟圖詩呈梁方伯

有序

道光己丑夏自河南奉先君子喪歸里其年冬蒞林方伯倡集葬錢監司郡縣官各有助以庚寅正月舉窀穸事畢屬同縣孫義盩作麥舟圖并爲詩以獻

博施企前聖公善屬大儒天下命所託一心執其符維

公秉長德台曜澄天樞東南鎮旗節廓然宏遠謨

時護理撫

篆神化不言化太和相涵濡出手卽霖雨如膏膏三吳

鴻文歷萬有窮薄追韓蘇惻惻濟世懷心聲與之俱甄

藻徧寒穴陶冶資大鑑一邀鳳尾賞爭向龍門趨孤生

困涓澮清貧守萊蕪

先大父辛閩中以廉稱永定建有生祠

十年抱鉛槧

輪鐵消饑驅黃河走天上紅塵揚路隅血淚灑風木哀

彼巢林烏親喪不克葬百身莫贖辜素交有朱穆先容

爲踟躕識公僅一面款誠末由輸

因酉生修謁於公得相見

仁人務

周急不以疏賤殊麥舟倡高義義舉成斯須三族走相

告此事今則無鬱鬱松柏壠各各陳雜芻觀者助番番

聞者增歎吁光榮及泉壤九京倘可呼此恩重山嶽此

德淪肌膚既以慰幽室遑復嗟窮涂更叨齒牙獎生意

來菰蘆

葬事既畢薦爲蘇郡守書記

春風一披拂澤朽兼華枯怔營

動方寸四十年已逾終恐負公意覩此七尺軀令名慚  
勿墜何以鞭愚駑憂樂關大賢功德卑浮屠善推自不  
匱勿問乃有孚穆行契今昔激感陳斯圖撫肌那能報  
敢用申區區

焦山還帶圖詩奉梁方伯

金焦對起江流東何物能鎮蛟龍宮左光右光照日月  
元氣一脈獨賴匡扶功妙諦參五蘊軼事傳坡翁文襄  
亦解帶事同心不同有明奄寺擅威福八黨搆陷蝨賊



訂龙衣金銑歎邊帥密策誅瑾眞英雄姚江功成與有力想見帷幄除元兇輕裘緩帶不數羊叔子二城旣築堅垣墉黃扉宣召職補袞開心副望褒公忠萬釘腰圍寵方渥小人道長恨事歸韜璫中宵倚杖看牛斗飄然挂席揚天風丁卯橋邊搏精舍水晶庵裏扶吟筇天吳煩憂海若思雨雲變態狂瀾淘三南居士慨世路鬱鬱經濟藏心胸特將此帶作砥柱都綱不用談機鋒茂社空空待隱逸老園亦廢帶乎一失百載求無蹤維公之來歲己丑練湖事畢春光融海門法界凌絕頂華裾藹佩羣僚從寶鼎眼觀雲篆古殘碑手剔苔衣濃方生題

句動嗟惜早辭佛刹依神叢緹巾朱匱一朝獻摩抄百  
鹿鐫何工元珠到手豈偶爾不見岐陽石鼓艱遭逢山  
靈歡欣故物在節幢到處精誠通海雲樓前光四射一  
罔月影輝長虹金裝銀裝自有制異物那寶猩猩絨江  
山鎮定年萬萬乾清坤靜一氣包衡嵩陽明平宸濠文襄有力焉晚號  
三南居士竝見滇南詩略小傳敕使往宣召黃屏典政  
本股肱職補哀開心副子望永鎮江山萬萬年竝見世  
宗陽文襄詩武宗命妙福爲三山都綱見丹徒志于制  
府畱猩猩絨於金山見張九微記張九成著犀帶一圍  
中有月影兒龍江夢餘錄倚杖看牛斗挂席揚天風見  
文襄京口舟中感興詩風波世路多艱虞見石淙集待  
隱逸老二圃名見文襄次韻答殷文濟詩緹巾未匱見  
方象玉帶歌元氣一脈須匡扶天吳愁海若思雨雲變  
態晨昏殊狂瀾過之不敢狂衡嵩鎮定  
乾爲之清坤歸其靜竝見文襄砥柱行

皇朝書畫考 卷三  
如皋黃楚翹印史書後

粵稽古法斗檢封周官注可徵司農秦章漢璽重金玉  
螭文虎紐尊卑同方員隨手撥蠟鑄用之犀珀技益工  
白石椎金珍祕府黃神佩券誇仙公後人易以花乳石  
青田稷下兼搜攻楊王吾邨有譜錄經籍弗志靡所從  
紛紛摹刻變書體大小篆或參魚龍 本朝右文邁前  
代三元八會俱牢籠南廬衍齋能鑒別誰其序者竹垞  
翁珣戈鉤帶竝傳世絕藝何必羞雕蟲黃君老矣癖嗜  
古籀斯隸邈無不通四百方石運手挽二千年史羅心  
胸彌綸首尾見鉤畫布置繁簡精磨礪蕭包宗匠付鐵

筆印史不數吳興功子昂有印史安得摩抄日一徧透雲香

壓芝泥紅

題梁方伯練湖三圖

憶昔甲申冬嚴寒水程滯曲阿逢故人

前丹陽令王君類

語我

練湖事興修見文牘源委考圖志頃周萬六千

練湖一萬六千

頃漁洋句汶合八十四其始務田功環湖資灌溉其後運瀆

開漕艘賴以濟斗門與石礎節宣有深意自分上下湖

稍稍占厥地侵耕法雖嚴因循及唐季大哉滔熙役錢

粟頗狼戾修復迄元明涵管或增置貪人快洩忿上湖

竟全廢田高蓄爲難地衍淤亦易此水本天生升斗非

所計安得還其原回買定四至西望道人墩煙柳夕含  
翠日久遂荒開隄堧棄弗治湖漕案猶在歌敘錄能記  
豈無良有司要恐誅異議經畫待名賢裁決仰大吏

九重納嘉謀萬井騰喜氣暑寒勸磬鼓爲國任勞勩

關鑠恃兩廂工成謹啟閉試看舳艫來汨汨寒濤沸飛  
輓旣無虞旱潦斯有備陳根去芟葑勝景足荷芰但須

固隄防慎毋惜經費我聞昔人言濟否在于制湖河制

相連所貴審形勢

見國初邑令高聯覆議復湖文

河莊久厥廢歸漕

泥成例挑潞年復年民力漸彫劫仁人求瘼懷一舉百  
無弊畚缶次第興緩急庶可賴

濬孟濱爲緩急可賴之一策見明郭思極疏時

方修孟

汪洋水流膏丹青喜宣示

明睦石有練水流膏圖

尺寸皆

公功涓滴皆公惠穆然想淵停永保萬世利

題梁方伯淞泖扁舟圖

三江貫六郡伊古爲通渠神功鑿埒阜湍流受具區一  
節關百節務令脈絡舒黃浦足宣洩東江名則虛劉河  
卽婁江勢向東北趨吳淞實居中歸海之尾閭百川與  
吐納一曲相縈紆自從石塘築規畫今昔殊衝激旣失

利濫沙日墊淤斜趨掣江水涓涓勢亦孤

夏駕新洋一河引江水斜

趨婁江致吳淞水弱見王文恪吳郡治水碑記

頻年失修治旱澇均可虞澇更

甚於旱極望空沮洳卽看癸未歲萬口咨淪胥浩博利

弗講民困何繇蘇我公總藩任小渙計大儲扁舟自相  
度異議誰紛拏開濬始圓泚焚叢快剗除上源合陳澱  
決滂奔歸墟中條大工集計日興畚鋤直流淺用浚支  
流塞用疏延袤二百里一一表楬彙星鐙攢雨雪合作  
齊驩呼惟二月丁亥宜大書特書

道光八年二月十七日吳淞江工竣

海匪一派利澤周三吳三吳財賦地高下仰灌輸圩田

水宜扞坦田水宜豬昔聞興四役役畢官無遺

淞劉白  
菲孟河

四大役相繼並  
舉康熙年間事

白芾有舊壩孟瀆亦要涂邊海割灣漲

出江醜盤盪

劉河 奏准疏濬尚未  
舉工孟河見已開浚

劉淞別難易茲言

諒非誣

說見慕中丞  
疏河救荒議

難者克先舉易者容緩圖書應上

郊廩法可參陳胡吾民事切已全局資嘉謨東南肩此  
責惟有梁大夫

題蘇鼇石觀察

廷玉

萬里看山圖

天節熊熊明八星銀牌字燭三光廷 中朝執法重司  
憲綱曹妙選惟其能蘇公銜 命使絕域高車出境

馳風霆龍盤鳳峙一回首霞采萬丈騰觚稜太行起伏  
百巖嶺十二州界包圖經西蕃奧府足周覽左輔右翼  
中如繩九峻七盤倚岸粵終南太乙披峻嶒悠悠旌旆  
度隴坂鬱鬱岡阜連風陵馬頭三峰來嶽色濫激瓊萼  
涵空青韓雌魏雄瞰河沿天包地絡區渭涇名箋鳥鼠



證禹導瑞紀鸞鸞誇周興王母山高不可見但有雲氣  
遮千層珞岑珠岫幻青白誰將駁馬圖山形賀蘭西去  
接邊塞放眼直至侖頭亭鶉分星野曠肅肅虎位雲壺  
開冥冥黃河青海界一綫玉堂石室觴百靈梯棧路通  
物琛麗伊涼曲奏聲鏘凝風恬雲微角符燦馳四乘傳  
車輞較看山之樂有如此快若萬里長風乘鳳耶峩我  
毓人傑九霄變化看鷗鵬層岳衍岫盡培塿蓬萊高處  
身先登君以庶常改部鑿空每陋博望使好太不慕燕然銘宣  
美風化示無外龍堆馬邑比戶庭卽今三吳仰膏雨香  
花緣道畱箏篴鏤鑰自堪西北寄謳歌先向東南聽君由

蘇郡守擢授延榆  
綏道尚未之任

老我蠻荒十九載叢篁密箐驅凌兢  
豈有山神致金馬卻從邊徼窮青蛤披圖不覺神氣爽  
森然太華當胸膺潤同江海惠邛阜是仁者樂福所憑  
四岳九牧重方任維 帝簡在資藩屏

商河路節婦詩

無衣無食去鄉里去不幾年夫竟外夫外婦當隨上有  
舅姑下有子養我舅姑撫我子妾心波瀾誓不起朝織  
暮織苦十指十指苦苦未已艱難邁兩喪喪葬畢料理  
撫兒長成爲兒婚有事付兒兒可恃一堆白骨幾時還  
夜夜亾夫魂夢裏嗚呼兒又亾兒亾事已矣天乎天乎

乃至此青山峩峩石齒齒石不爛黃泉底

婦之葬也族人書其夫名

於石納之壙中

五十五年苦節完道光己丑四月事

叶

請以此

詩告太史宗乾名曰路氏子三光婦姓李商河縣其居址

長歌贈章邱焦笠泉同年

友麟

滄溟一粟浮蓬萊白日冷照金銀臺神仙富貴安有哉  
不如蒲州美酒一飲三百杯世上但少青蓮才前年訪  
君不得面驅車重來喜相見歡我方知意氣真于人早  
覺文章賤天門蕩蕩星斗高君也孺落人中豪金羈玉  
鞅竝馳騫手執旗鼓雄吾曹逍遙先生放逸友投我詩

篇飲我酒酒酣不怕四座驚得毋通脫嘲幾卿涼蟬在  
樹月在地一枝橫竹吹秋聲秋聲悽悽感余抱兩鬢如  
絲歎將老馬前何必有八騶壯歲如君百事好我所思  
兮東海東渤溈雲氣開心胸安得與君涉鯨渚臨蛟宮  
流霞倒吸樽桑紅我所思兮北山北巖光下燭龍邨宅  
安得與君訪荔蘿朋松石家僮代耕侍兒織便不封侯  
計亦得君不見尋章摘句迂儒迂欄牛圈鹿愚夫愚又  
不見朝挾刺夕曳裾伊優夜客堂上趨媚行煙視工作  
兒女態膺肺莫測一簧兩舌生毀譽男兒昂藏七尺軀  
六鑿不攘吾還吾萬人海中緇鼻笑西行東望空紛拏

膠膠擾擾胡爲乎頭上踈踈三足烏白石易爛海易枯  
有酒不飲胡爲乎

大明湖獨泛

一片蕭寥意閒鷗不可呼晴空見城郭秋響入菰蒲海  
右客初到水香亭已無句畱能幾日吾欲比西湖

章邱吳大令招同人集宴女郎山卽事二首

大令名璋

歸安人爲  
余姑之夫

蘿荔幽修石磴斜神仙洞壑閱丹霞偶逢佳日休辭醉  
但有名山便可家清德傳來聽婦孺綠雲多處見桑麻  
謝公裙屐風流甚不比河陽只種花

夾道松杉翠不分飛空傑閣護層雲  
摩挲斷碣苔痕化  
寂靜諸天鶴響聞  
檻外煙嵐齊繞郭  
座中賓佐總能文  
太平時節笙歌好  
歸去家家說使君

重九日吳大令招集女郎山

手把茱萸喜盍簪  
秋山雨後快登臨  
翠痕入畫亭臺古  
霜氣添寒洞壑深  
九月笙歌宜菊部  
萬家煙樹想棠陰  
眼前一幅幽風稿  
須識年來長吏心

壬辰三月二十一日潘

會瑩會綬

招同朱

綬吳嘉

注游崇效長椿諸寺得四絕句

茶話僧寮也  
夙緣莫教歸思動  
青鷗眼中人爲看花老

不到春明又十年

軟紅消處斷車聲照眼花光分外明誰與山僧管縑素

我來顛倒看題名

主僧出示拙公紅杏青松圖多國初諸公題識有重裝池者遂先後失

次

寂寞琳宮畫不開層層金碧護蓮臺大伊山色還如舊

瓔珞香身感劫灰

長椿寺觀明崇正庚辰年奉純劉太后繪像后海州人

幾番花事足幽探難得良朋有二三更向城南訪張籍

一星佛火照詩龕

同訪亭甫於蓮花寺

通籍述懷

豈是承明著作才居然身到玉清來西垣月色連中禁

東壁星文應上台詞賦頓教聲價重年華無奈鬢絲催

搖鞭試問長安道茸帽涼衫卻幾回

庚午癸酉辛巳三應京兆試今秋將

乞假出都

雙橋橋外樹蒼蒼

先塋所在

一慟皋魚最可傷此日杏園纔

挂綠幾時松壠許焚黃便邀升斗終何補曾助金錢那

得忘看取麥舟圖尚在離情千折繞滄浪

己丑冬蒞林方伯倡集葬

費繪有麥舟圖紀事方伯於今年夏屬疾旋里吾蘇滄浪亭公所葺也

話到朋交總黯然吳門煙樹白門船懷中宇尚藏三歲

滄懷菊潭士美諸君

夢裏人多隔九泉

叻友菊泉明府善舟太守諸君

守黑可能

同老子還丹且許伴神仙早思一第酬知己慚媿當初



不著鞭

苦吟那有筆如神漫比司空第四人

春榜名列第四

鈴索深嚴

飛白署車輪來去軟紅塵一般鐙燭休嫌晚廿載齋鹽  
不畏貧肯把蒼生寘懷抱思量畢竟宰官身

五月二十九日樹齋師徐廉峰前輩招集陶然亭

大區駐曦輪鬱隆畏炎夏東華盛簪裾玉堂喜清暇避  
暑荷嘉招展催僕夫駕逕登江翁亭凌虛敞風榭開襟  
散鬱陶涼意入杯學千章俯平林眾綠浩如瀉西山自  
宕崑雲氣不能下沛然望甘膏秋收足禾稼經濟仰我  
師丹青醜神化南臺肅霜稜雄緊責難謝

師已御史記名憂樂

天下關高會漫誇詫

詞臣職中祕清要世所崇觥觥壺園集肆好懷其風苔  
岑敦夙契藝圃傳無窮

廉峰前輩刊  
有苔岑集

感彼沈淪士賴此

搜揚功小子媿荒落大雅開屯蒙寓居門巷近選日尊  
疊同登高發遐想山色青蒼中故鄉豈不好蹤跡嗟飄  
蓬金閨忝通籍筆札終難工勞生念八口儉歲咨三農  
江天渺音息極目南飛鴻

題仰山司寇師京江曉渡圖

天節星明使者來重臣威望肅中臺江清樓閣依山見  
風靜魚龍掣浪回精白豈邀堪事譽激揚原賴濟時才

嚴程早晚關

君念一覽金焦花鼓催

聽松圖詩呈仰山師時奉

命爲科布多辦事

大臣

首山絕頂曠煙霧謾長風起松樹三十年後名公卿  
七歲登高已能賦虬枝千尺高崔巍扶輿薄梁棟材  
東觀校書直內苑南省讀律躋中臺侍郎本是文章伯  
鳳味堂前提玉尺一丸初服孤進丹百卷都依元化格  
臣心精白 帝心知能處大事決大疑八閩三晉瀕  
豫楚口銜 天憲輜車馳金吾銀棨符分佩明光奏  
事容占對春水方生拒馬河秋卿又到盧龍塞

公由詞寇改授

馬蘭鎮總兵旋  
召入爲京卿  
從來宦海易升沈  
閩外區中想德音塵

定軒開暫休沐  
松風彈入鸞來琴  
聖朝豈宇廓九有

直北邊隅重防守  
柳城萬樹踈長條  
載詠皇華驅四牡  
閩闔門高見使星  
我師神化昭丹青  
松生早定三公位  
他日音聲樹可聽

題樹齋師思樹芳蘭圖

空谷足幽討  
蕭然蘿荔深  
芬芳自盈把  
寂寞幾知音  
蓬閩得清氣  
匡廬想舊吟  
搜揚徧巖穴  
方不負初心

簪筆趨中禁  
頭銜第一官  
所思曠風露  
此地本高寒  
羣卉向榮早  
孤根得氣難  
夙生真沆瀣  
欣當國香看

予鄉會昔

出師門

八月三日送仰山師赴科布多辦事大臣之任

保障隆邊寄綏懷倚重臣 主恩周絕域公望本無

倫命拜 螭劫日歡生虎落春堂堂都護府四萬譯來

賓

極望烏梁海嚴程計六千自西多部落直北靜風煙月

竊蕃王幕星文使者橧一心堅報 國須鬢覺蒼然

今年

公四十有八須髮半白矣

臣職原無忝 君心已有孚艱難爲家計 體恤到

官逋

公有代賂之款特旨緩繳

攬轡酬初志籌邊見遠謀

恩

綸煥行色那更惜馳驅

此日乘狻座風吹八月寒何時歸鳳闕月向九霄看列  
成雄筮角高秋肅羽翰門生待重到尊酒話長安

時將乞假

歸里

題徐

夔典

西溪丙舍圖

昨歲看秋榜涼風十月天

時予在章耶

遙知京口渡催上孝

廉船惻惻思孤進沈沈告九泉鮮民同此恨不覺涕潛  
然

相知已十載日下始相親朋輩感離合文章有屈伸清  
時宜努力吾道莫憂貧得意春風裏期君第一人

誓墓文休擬千秋重顯揚歸心漫棖觸客思總蒼涼匣  
有豐城劔捫之星斗光穹碑一丈二畱與表瀧岡  
宦成歸亦好隨處足幽棲世味同雞肋勞生悟馬蹏如  
容挂帆席相約到西溪萬樹梅花發毋忘酒一棹

讀藤花吟館詩用昌黎韻寄梁方伯

大雅手獨挽元音耳共聆淵深出奧旨披豁無潛形洪  
輝吐萬藻初珠孕千齡東瀛鵠鷗跼西掖鸞鷺停霞情  
揮綠綺虹采騰青萍七籤探妙笈百家窺祕經澄懷洗  
月露壯詞挾風霆禁花環上苑宮柳搖疏櫺黃閣早題  
適紫宸合稱丁仙韶快鳴節俗樂嗤拊瓴疇嫌一麾出

羣喜入表甯嶽興雲澎漉川瀉泉清冷閱茲鴻雁苦驅  
彼蛟龍腥千堆籌葦蕩一櫂周蘆汀源源有條理浩浩  
開重冥任乃重九牧量可包四溟勝遊緬曩日佳約期  
幽局命觴集良友當歌卻妙伶有斐美衛澳無邪申魯  
駟霜晨試盤馬月夕催揚舲躡屩飛霞觀褰衣綠波亭

西巖記說虎東瀨誇澆瑩

見瑞巖虎  
嘯巖諸作

圖從福地按夢向

靈峰醒鄉國證鴻爪天風吹鶴翎題襟思渺渺刻燭光

熒熒漢關扈清蹕遼水指冷陁簪豪近畫日引手高

捫星驂騶美侍從冠裳肅儀型江流混同碧山合巫閭  
青諸天呈色相百怪授伶俜篆室購奇字書堂剔殘銘



似鼎別眞贋如水分涓涇碎宜紉百衲細或舉寸莛高  
文玩碧落私印珍黃庭籀難識周鼓隸孰稽秦圖氈椎  
健摹搨金石通精靈餘事徵瓌蛄小言體焦螟握蘭蘭  
襲佩護菊菊綴鈴韻拙畫蝶活曲奏琴魚聽金鑑熏藹  
藹珊瑚燦頌玲玲一品撰相集十聯題御屏紙鈔萬口誦  
墨妙千秋馨孤生憾荒落弱歲嗟飄零庸庸嘲社櫟忽  
忽數階莫磯深涉黃鶴微遠窮青蛤依人媿鉛槧生我  
哀聾餅照沫有轍鮒急難無原鶴龍門詡聲價鷓膏待  
碧碾絲竹聽魯壁笙鏞媿虞廷恆願賦嘉樹閒話編都

廳宋錢文僖守西都時  
事見邵氏閒見錄

秦樓

秦樓女伴快乘鸞獨向星辰脈脈看一道銀河容易渡  
夜深風露不知寒

癸巳十月至海州之板浦訪謝大令

元淮

於青口

豈意來淮北相逢在海東一年官已換再宿路難通

板浦

距青口百一十里涂中泥濘三日始至

山暗天將雪廳虛夜有風故人頻

勸酒燭影十分紅

客板浦作示從弟

墟

吾亦嗟蓬轉嚴冬向海濱魚鹽經國計鮭菜去鄉人曲  
折河千里廉纖雨一旬幾時容市隱畱取五湖身

題海州許

茂

雲臺掃墓圖

海上難尋土一坏山人指點白雲隈

君葬先人地爲雲臺山人孫君所贈

郁洲本是眞靈地無數峰巒護券臺

題張亨甫

際亮

博陵秋眺圖

雙鬢滿行色嚴城驅馬過天隨雕影闊秋入雁聲多慄

慨橫奇志登臨足浩歌壯遊吾亦慣三載客三河

漢晉分疆索幽燕重戍防才人一憑弔落日自蒼涼莽

莽客愁古蕭蕭風葉黃不須歎遲暮且醉酒壚旁

乙未仲夏北上錄別二首

五十爲京宦全家去故鄉親朋各慰藉煙水自蒼涼歷

歷舊游在縣縣征路長楞伽青一角歸夢幾時忘

臨別難爲別平生交最親琴心一夕語

謂澹懷與琴姬事

藥裏

百年身

酉生病未愈

月落寒山寺風吹楊子津鄉關重回首

莫厭尺書頻

六月十九日渡河至王家營作示鐵香弟壙并寄

鄴仙弟承憲板浦

淮北淮南幾度過此身未得臥煙蘿田園可守休爲客

風浪難行又渡河

黃水漲甚

官路明朝車轍大驛樓連夜雨

聲多看花勿忘長安約一紙題名盼桂科

鄴仙將赴金陵秋試

途中雜詩

鈴鐸郎常人語譁黃昏逢店卽爲家兒童僵臥頭觸壁

前日苦船今苦車

呂種玉言鯖云苦音庫卽俗所謂注船也

一程半程行路遲軟泥滑達兩泔濱車箱重似載瓦甕  
雲氣黑于翻壘池

烏鵲橋西太平巷朝朝鮭菜憶家鄉堆盤硬餅不容嚼  
此是畱侯辟穀方

三杯濁醪招我魂斜風吹戶燭光昏廉纖雨腳不曾住  
雄雞一聲開店門

程程方馬埋輪路日日盲風怪雨天只道三旬宜袵綌  
那知六月要裝緜

樹間爭宿荒鴉定壁上題詩過客留一樣團圞茅屋底  
孺人蓬鬢子蓬頭

水寒林嬉懷故土通闌帶闌說京華九回河路兼山路

自庚午北上至今  
已往返九度矣十口前車與後車眷屬十人車五乘  
兩阻中山店兩車

馬乏不前乃  
先後就道

燕南趙北驅車過不見波心紅蓼開用何承矩  
守瓦橋事十二連

橋橋盡處滿籃提得鯉魚來

渡船偈仄中流險泥轍從衡跋路迷裁得溫暾日光露  
耳邊又聽鶉鴝啼

途中苦雨作

濃雲壓山千里陰爛泥膠車一尺深團團夜圍蝸殼舍  
寸寸步入牛蹶涔危橋凌兢策瘦馬叢木竊窸啼怪禽  
安得炎官號令出爲埽積翳驅愁霖

閏六月望日至都作示馬三同年吳二表弟

辛苦將車大道塵風風雨雨又經旬可知聽鼓應官日  
已是拖泥帶水人比歲江淮勞作客連宵羹飯喜留賓  
雲樓不見談詩地蕭兀還教著此身

賃居北柳巷作

瑣屑復瑣屑曰余今有家十年去鄉里

僑居秦州十載

幾度滯

京華

三赴京兆試

架上叢殘卷門前薄笨車故人記同巷作

宦又天涯

王辰計借于庭寓  
南柳巷今官湖南

乙未長至日同年馬比部

學易

舉消寒第一集賦

得長句二首卽示同年嚴編修

良訓

工部彭

蘊

章胡希周陶惟模

鄉音爛漫喜同官欲問金吾飲未闌四座星郎貂服貴

詠我以軍機  
章涼得服貂

一天霜氣鳳城寒消磨世事催華髮指點

時光應射于老大不須愁俸薄今宵得酒且爲歡

錦帳金罍夜直衾西曹無事集華簪幾番燈火消寒會

廿載江湖感舊心暢好酒懷判酌酩酊早知宦路異升沈

天風吹得銀河凍回首瓊宮不可尋

天風吹我下  
瓊宮東坡句



十二月十九立春日樹齋師招同葉鴻臚筠潭前  
輩郭羽可舍人黃香鐵簡夢巖艾至堂三孝廉  
集飲以盤出高門行白玉分韻得白字

東風徐迴動簾額太平鼓響銅駝陌春盤正是臘會時  
羣公高宴鴻臚宅重洋遠致縹醪美

飲次出西洋酒共酌之味極醇旨

生菜細看紅甲坼圍鑪說餅亦大佳佳話他年志今夕  
吾師光名滿天下西江早仰文章伯挽底新篇出機杼  
胸中時事紆籌策郭黃簡艾人中豪接迹風騷有詩癖  
相見都敦僑札歡高吟不學齊梁格西颯東浪歎蓬轉  
自知此事無能役舊遊卻憶廿載前布袍久作長安客

癸酉都門度歲迄  
今二十一載矣

孤寒難把勝日酬  
暗噪時聞老輩惜

吳興詞臣初出守  
數厯外臺聲藉藉

謂筠潭前輩

竭來拄笏

作京卿東山已謝蒼  
生責升沈消息詎  
可知過眼飛光  
眞一擲玉梅花開  
乾鵲噪卻喜龍門  
湊裙屐尊前且放  
醉顏酡不知身自  
蓬萊謫儻居同在  
宣南坊來去車聲  
聽絡繹插頭幡勝  
入新年揮手江湖  
感疇昔一笑馬周  
五十過華鐙照見  
霜毛白

丙申正月二十四日消寒第九集詩以代柬卽示  
一山前輩姓舫迪甫吉人三同年實甫詠莪芝

塘三工部

東風吹起軟紅塵，彈指寒消九九辰。遲我一鷗將進酒，  
送他五馬去班春。

迪甫出守建昌行有期矣

宦情漸作沾泥絮，鄉味

還思下。政尊亥卯未，羹都不辦諸公休。笑阮廚貧

正月十九日葉筠潭前輩招同樹齋師郭羽可舍

人簡夢岩黃香鐵艾至堂三孝廉遊白雲觀歸

飲邱齋拈韻得人字

去年雲臺登絕頂，一望海氣青無垠。圖經指點十洲是

可惜不見仙真人。

雲臺山卽郁洲山十洲之一見海州志

歸攜妻孥到日

下夜視星斗疲，關津條風入律時。序換耳邊春鳥啼，鴉

鵝鴻臚招我燕。九日連翩走馬西城闔，蒼松環護白雲

觀層臺傑閣高嶙峋肩摩踵接萬人海不知擾擾來何  
因黃冠者流習趺坐頭生蟻蝨衣懸鶉便巢神山亦良  
苦豈有十賚榮其身片言止殺功德大至今卻憶耶長  
春摩抄遺鉢動感喟長願劫火消青燐延祥枯柏今在  
否何當策杖披荒榛棲心絕穀了無術還以美酒沃我  
脣高齋熒熒照華燭鸚鵡鸞鴛鴦推朝倫偶然名氏附瓊  
簡其奈歲月馳颯輪九衢人靜落鐙後涼蟾鋪地光流  
銀未須導養問靈囿且用醕酏酬嘉辰明朝官事相促  
迫軟紅吹起東華塵

明日開  
印故云

三月九日同編修賈

臻

農部錢

步文

劉仲璠

儀部

張廷瑞

諸同年奉邀樹齋師遊花之寺看海棠

飯後過崇效寺樹齋師見示三絕句依數有作  
遲日溫風酒半醺上方鐘磬靜中聞春陰欲向天公借  
惆悵花時已十分

空谷誰將絕豔誇當年流落恨天涯一邱一壑談何易  
且看長安幾度花

紅杏青松入畫圖諸公墨妙未模黏西來閣下花如許  
裙屐風流比得無

四月四日樹齋師葉筠潭徐廉峰黃桀卿前輩汪  
孟慈陳頌南招集江亭仿蘭亭四十二人孟慈

出所藏宋刻禊帖褰池成卷將送之棗花寺中  
溫翰初繪江亭展禊圖于其次紀事同作

大化自推移悠悠孰司柄盛時各已當毋爲慨年命端  
居違俗尙寡營識吾性京輦夏日佳襟裾發高興觴詠  
繼前賢簪盍斯可慶江亭城之南於焉攬幽勝西山鬱  
岩巖嵐翠雨餘孕微風動捩蘆蕭寥滿清聽邈矣達士  
胸俯仰氣空橫妙手繪作圖主人重有請禊事曠千載  
定武本猶贖三紙拓擅椎肥瘦紛考證雲煙瞥眼過脫  
手便如贈棗花古招提長卷志名姓

寺藏青松紅杏圖  
卷子國初以來

題著甚夥寶此竝弄藏送者以詩媵古今一逝川去來本無

竟且飲缸面酒一醉百憂屏餘花紅作妍短柳綠含暝  
軟塵十丈飛疏寮覺風磬

十二月十三日夜得大雪次日舉消寒第六集詠

我工部有詩紀事卽次其韻并示諸君

擁鑪坐對相如壁冰上車聲聽額額俄看飄瞥旋雰霏  
漫天風緊吹無力道旁豈無噤凍人卻喜豐年兆盈尺

帝心早已格

昊穹天況真能降靈澤蝗蝻

不生併餽熟先爲三農浮一白玉堂宜作飛白書大書

美禾又美麥

謂姓

水曹散直發清興圓璧方珪工刻畫

君詩有看盡方

珪更圓璧句 豐貂入座無急衰失笑當年呼老賊

見世

說  
散盤宛轉叫雉盧銀燭高燒共歡劇始知滕六大解  
事傾尊不負消寒夕今年此會尚無詩君詩可抵連城  
壁

丁酉仲夏爰積堂經歷慶源自沂州至都喜贈此

篇卽題其詩集後

姑蘇城外烏啼處片帆送子錢唐去玉梅花開春水生  
我來十日西湖住招邀暫結鷗鷺緣離情觸撥琵琶絃  
江湖在地月在天美人音塵二十年丙子冬與君同在  
雲柯中丞幕中君  
旋以疾歸里戊寅正月同人爲西  
冷之遊復得相見迄今廿載矣  
年年楊柳枝枝條在  
攀折吹殺鯉魚風相思中斷絕鷓飛歷走勞關津軟紅



十丈東華塵有舌長卷眉不伸手拍銅斗看星辰維摩

示疾天女笑兩耳松風號萬竅

子方病聾

當關報道故人來

一徑蒼苔爲君埽長安故人今無多幽夢夜落山之阿

我欲酌子金叵羅五十已過休蹉跎參軍早入芙蓉幕

陳芳國中互醺醉那容歸計買烏犍時有高歌碎黃鶴

如君才調自不羣贈我十帙濃香熏

見示小栗山房詩鈔十卷君詩

正似范亨父秋空杳杳吹行雲雲從泰山來旁薄含風

雷男兒仕宦亦快哉他年爲政及齊魯勿使泰山老婦

哀

題焦司馬

家麟

瑞麥圖時爲公安縣令

大麥青青小麥黃動我碌碡埽我場村雞哢喔午飯香  
四月五月農夫忙農夫手中兩歧穗千人萬人說祥瑞  
自從令尹來事事都如意祈雨境則雨祈霽境則霽自  
擊社鼓犬不驚民安堵麥青青好官府

大麥黃黃小麥熟今年春收十分足村前村後聽連耬  
又聽聲聲啼穫穀犁耙上岸秧可下三歧兩歧麥滿把  
自從令尹勸農來桑麻徧地無汙萊丁男耕田女織布  
不耕不織令尹怒五風十雨太平時年年官不催租賦  
租早完腹長飽民安居吏弗擾麥黃黃官府好

病起書懷

兼旬藥裹證勞生，攬鏡華顛百感并。  
戶退尚難疏酒醖，酒家有退戶法見言鮪眼昏漸欲廢鐙檠。  
舊交幾輩長相憶，老雨連番不尙晴。  
多少玉樓金埒地，空教惆悵少年行。

感事

聽說銀鐙詔獄收，五更屋角叫鴝鶒。  
原知身世同秦贅，不料衣冠作楚囚。  
薏苡明珠憐馬援，鮭蠶罔象說莊周。  
荷戈絕塞尋常事，羅雀門庭有白頭。

沈朗亭亮至都應京兆試卽贈

前年元夕城東游，美人酌我樓上頭。  
隔簾風雨暗紅燭，

與君爛醉頗黎甌君先別我海陵去海陵講堂我曾住

君時主  
講秦州

手種芭蕉幾許長十載前塵渺雲霧鷓鴣浹起

搶榆枋頭銜換得西曹郎侏儒飽外臣朔餓况復兼旬  
事藥裹文通武達百不如蟬腹龜腸我則那長衢日日  
馳羸驂君來歡喜朋盍簪口瘡肘胝者誰子覓舉如君  
易易爾君亦蹉跎三十強銅駝觀國其時矣相逢且貰  
旗亭酒燕臺風味君知否唱到黃河遠上詞君詩定出  
雙鬢口詩人身世都可嗟江南臘盡來公車

謂酉生閏  
生清如諸

君先向東風祝利市諸公好看長安花

閔刑詩示同司諸君

用兵不得已用刑亦如之如何好肌膚坐使成瘡痍周  
孔不世出風化誰轉移可憐蚩蚩氓令甲安從知小偷  
出污赭無奈寒與飢桑中有期約婚姻失其時科條一  
朝犯貫索聲纍纍我儕事場屋墨卷恆吾伊一著惠文  
冠稜稜面生威開口講律例剖析若繭絲老姦與宿蠹  
往往難窮治可憐蚩蚩氓收縛供榜笞堂皇據几案約  
略聽其辭爰書手自定操筆無然疑於法豈云枉準情  
斯爲宜得情且勿喜矧乃捶楚施毋學酷吏酷當念慈  
母慈欽哉惟刑恤敢以告同司

對雪有懷里中諸君

京華三載故人疏

朱西生沈閏

還通尺一書  
記得山塘酒

樓上滿天風雪送公車

癸巳正月十九日事

臘月四日雪後偉卿前輩招同琴南吉人桂門小

飲

郎署迴翔久吾儕興尚豪  
深杯五人共殘雪一亭高  
向

夕先車從西風吹鬢毛  
巖城燈火隔已覺醉醅

子與吉人

先出城

題蔣澹懷

志疑

琴廡圖

有序

道光乙未夏五歸自海州之胸  
浦將辦嚴北行吾友澹  
懷客謝二明府館舍晝夕必面  
謂余曰琴君子不知之

乎方當盛年敷門擇對脉富兒貴人齷齪也其爲我合  
之余諾偕訪之東美巷中酒道吾友才而貧顧非佳人  
不當意琴君曰某之願也告母氏嫁焉余旣至京師得  
吾友問且索琴廡圖詩忽忽無以應而琴君從吾友於  
淮北者兩年近居無錫去海濱斥鹵之鄉就湖山佳勝  
之地吁其樂矣余嘗悲吾友生平遭遇之窮而善琴君  
之能擇所天也爰賦此篇凡三百九十二字云

蔣侯名重江南北吳箋寫破桃花色傷別傷春無限情  
侘傺幽憂滿胸臆家山大好恨無家重見闔門萼綠華  
郎意纏絲初作繭妾年少盛尚如花花花葉葉春畱住

相逢最怕芳時誤有客方從淮上歸紅樓燒燭話依依  
莫教惆悵歌金縷試與殷勤叩玉徽當筵一語訂三生  
名士傾城例合并條冰笑我頭銜換可許冰翁喚得成

冰翁之稱見四朝聞見錄紫萼真愛謝耽才密字珍珠幾度催碁局

詩筒都打撲鏡奩脂盞好安排百和香熏連理枕九枝

燈照合歡杯此時綠綺真無價彈得鳳來與鳳來二琴名見

古琴錄恩恩我策春明騎春明卻有封書至爲道娥媼共

一舟江湖浩蕩身如寄兩年身寄海東頭坐對伊虛一

角秋伊虛山色青如許不寫新詩寫眉嫵此際冰絃一

再彈天風吹上月團團寡鳧單鶴分張易彩鰈文鸚會



合難萍蓬蹤跡花容貌雙雙又買蓉湖櫂租得屠蘇屋  
幾椽攤書讀畫伴嬋娟故人那比新人好中婦還教大  
婦憐分明玉向藍田種同心早卜徵蘭夢來書云姬庶  
已有身  
下何妨有伯鸞懷中卻喜添雛鳳堪歎郎官鬢已絲量  
珠無分聘蛾眉銀牀冰簟秋涼後緜帽溫鑪病校時續  
愛閒緡李娃傳斷魂空賦阿東詩綠窗人好琴三弄不  
是相如不許知

庚子十一月七日消寒第一集用乙未卽事原韻

二首示同年吳舍人嘉洽金編修昉善馬比部

學易

工部陶

惟模

彭

蘊章

蔣德馨

比部李

清鳳

蔣錫綬

上竹鮎魚笑此官詩情休似宦情闌香熏畫省猶爲客

幼竹未娶古廉亦索居身住瓊樓不覺寒未倒餅罍卿莫去若譚

鐘鼎我無干中廚商略南烹味麩炭籠鑪卜夜歡日暮半鑪

麩炭火香山句

那有華鐙照錦衾離披菊影上朝簪盆菊將殘矣珠璣自出

才人手清如出示近著花月難消壯歲心萬瓦霜鋪天漠漠九

衢車斷漏沈沈鄉思又逐征鴻發菰葉橫塘夢許尋時有

鄉人南下者

十二日消寒第二集賦女兒酒作示同人

醉舞吳宮說館娃  
芭蘿村是酒人家  
藏來金屋宜三醜

捧到瓊卮勝百花

京口酒名

綵筆重重紅照日  
暖波濼濼碧

生霞銀槎催得雙星渡

銀槎杯名元朱碧山製

不用蒲臺送一車

出西直門口占一截句

白塔煙迷望未真  
一天寒氣護重闔  
雷聲碾盡雙輪鐵  
迎面西山冷笑人

題廣平沈西雍太守詩載酒訪詩圖三首

訪詩如訪山幽處  
不易尋訪詩如訪友  
每嗟商與參秋  
容澹將夕江水深  
復深碧蘆紅樹間  
中有款乃音清氣  
曠相感寫此寂  
莫心撫絃長裴  
回命酒自酌斟  
雲中雙

白鶴招君山之岑

君今縮郡符於昔爲洛州叢老已榛莽漳水日夜流太

守政多暇金石喜廣搜

君方輟常山貞石志

蒼涼感陳迹宜付秦

青謳興來展圖畫歸夢輕于鷗河聲哀浦月樹色雷塘

秋余亦去鄉里安能櫂扁舟

西風吹薊門離色滿煙柳蕭騷兩鬢絲與君別已久一

官帶郎曹事事在人後頗思年少時裹糧萬山走

余年二十

自滇黔兩粵豫章而浙而吳游歷萬餘里

索居廢詩篇人琴痛吾友

酒生新逝

感君懷舊心千里寄瓊玖

見奇恆陽詠古石刻

江湖歸不歸何時

共尊酒

曇雲閣詩集

卷五

三

病中讀酉生遺集

辛丑三月十一日

手披詩卷君何在身滯郎官我亦衰  
一榻病眠鄉夢熟  
九京心事故交知難忘燕市重來約  
那得鯀溪再見時  
潦倒只宜傾濁酒人間猶自有袁絲

病遣

紙窗風細篆煙沈欲檢殘書懶不禁  
雪後春光三日好  
春雪連絲  
昨始晴霽  
病中歸思五湖深  
怕看法吏張文綱  
喜聽官軍奏捷音  
摩腹消搖能健飯  
軟紅何事戀朝簪

紙寫

盡作空中響年時已慣聞  
長繩休斷續歧路恐紛紜  
豈

少鷗鴟侶當思鸞鳳羣翻嫌風力早吹汝上青雲

中秋

長安七度過中秋可勝江淮汗漫游升斗尚糜大官俸  
兵戈莫慰至尊憂鏡中華髮星星換天上黃河莽  
莽流欲喚飛仙歌一曲不知寒到幾重樓

題姚湘坡同年居廬讀禮圖

拂水巖前路幽蹤尚可尋荒寒攜茅舍仿佛對祥琴宰  
木風霜護麻衣涕淚深春暉期報答珍重百年心  
十載猶郎署相逢話故山風塵方頌洞驛路已間關此  
日屠鯨急何時跨馬還雙橋有先壠南望涕潺湲